

# Laibacher Diöcesanblatt.

Nr. VII.

**Inhalt:** 40. Encyc. Pontif. de conditione opificum (continuatio). — 41. Ist die Beforgung der auf einem Beneficium haftenden Sonn- und Festtagsmessen um das diöcesanübliche Stipendium nicht erzielbar, so können die Einkünfte des Beneficiums zur Erfüllung der Verbindlichkeit in dem benötigten Betrage verwendet werden. — 42. Concurs-Verlautbarung. — 43. Chronik der Diöcese.

1891.

40.

## Litterae encyclicae Leonis Papae XIII.

de conditione opificum ad Patriarchas, Primate, Archiepiscopos et Episcopos universos catholici orbis gratiam et communionem cum Apostolica Sede habentes.

(Continuatio.)

Itaque fortunati monentur, non vacuitatem doloris afferre, nec ad felicitatem aevi sempiterni quicquam prodesse divitias, sed potius obesse:<sup>1)</sup> terrori locupletibus esse debere Iesu Christi insuetas minas:<sup>2)</sup> rationem de usu fortunarum Deo iudici severissime aliquando reddendam. De ipsis opibus utendis excellens ac maximi momenti doctrina est, quam si philosophia inchoatam, at Ecclesia tradidit perfectam plane, eademque efficit ut non cognitione tantum, sed moribus teneatur. Cuius doctrinae in eo est fundamentum positum, quod iusta possessio pecuniarum a iusto pecuniarum usu distinguitur. Bona privatim possidere, quod paulo ante vidimus, ius est homini naturale: eoque uti iure, maxime in societate vitae, non fas modo est, sed plane necessarium. *Licetum est, quod homo propria possideat. Et est etiam necessarium ad humanam vitam.*<sup>3)</sup> At vero si illud quaeratur, qualem esse usum bonorum necesse sit, Ecclesia quidem sine ulla dubitatione respondet: *quantum ad hoc, non debet homo habere res exteriores ut proprias, sed ut communes, ut scilicet de facili aliquis eas*

*communicet in necessitate aliorum. Unde Apostolus dicit: divitibus huius saeculi praecipe. . . . ., facile tribuere, communicare.*<sup>1)</sup> Nemo certe opitulari aliis de eo iubetur, quod ad usus pertineat cum suis tum suorum necessarios: immo nec tradere aliis quo ipse egeat ad id servandum quod personae conveniat, quodque deceat: *nullus enim inconvenienter vivere debet.*<sup>2)</sup> Sed ubi necessitati satis et decoro datum, officium est de eo quod superat gratificari indigentibus. *Quod superest, date elemosinam.*<sup>3)</sup> Non iustitiae, excepto in rebus extremis, officia ista sunt, sed caritatis christianae, quam profecto lege agendo petere ius non est. Sed legibus iudiciisque hominum lex antecedit iudiciumque Christi Dei, qui multis modis suadet consuetudinem largiendi; *beatius est magis dare, quam accipere.*<sup>4)</sup> et collatam negatamve pauperibus beneficentiam perinde est ac sibi collatam negatamve iudicaturus. *Quamdiu fecistis uni ex his fratribus meis minimis, mihi fecistis.*<sup>5)</sup> — Quarum rerum haec summa est; quicumque maiorem copiam bonorum Dei munere accepit, sive corporis et externa sint, sive animi,

<sup>1)</sup> Matth. XIX, 23—24. — <sup>2)</sup> Luc. VI, 24—25. — <sup>3)</sup> II—II. Quaest. LXVI, a II.

<sup>1)</sup> II—II Quaest. LXV, a II. — <sup>2)</sup> II—II. Quaest. XXXII, a VI. — <sup>3)</sup> Luc. XI, 41. — <sup>4)</sup> Actor. XX, 35. — <sup>5)</sup> Math. XXV, 40.

ob hanc causam accepisse, ut ad perfectionem sui pariterque, velut minister providentiae divinae, ad utilitates adhibeat ceterorum. *Habens ergo talentum, curet omnino ne taceat: habens rerum affluentiam, vigilet ne a misericordiae largitate torpescat: habens artem qua regitur, magnopere studeat ut usum atque utilitatem illius cum proximo partiat.*<sup>1)</sup>

Bonis autem fortunae qui careant, ii ab Ecclesia perdocentur, non probro haberi, Deo iudice, paupertatem, nec eo pudendum, quod victus labore quaeratur. Idque confirmavit re et facto Christus Dominus, qui pro salute hominum *egenus factus est, cum esset dives*:<sup>2)</sup> cumque esset filius Dei ac Deus ipsemet, videri tamen ac putari fabri filius voluit: quin etiam magnam vitae partem in opere fabrili consumere non recusavit. *Nonne hic est faber, filius Mariae?*<sup>3)</sup> Huius divinitatem exempli intuentibus ea facilius intelliguntur: veram hominis dignitatem atque excellentiam in moribus esse, hoc est in virtute, positam: virtutem vero commune mortalibus patrimonium, imis et summis, divitibus et proletariis aequae parabile: nec aliud quippiam quam virtutes et merita, in quocumque reperiantur, mercedem beatitudinis aeternae sequuturam. Immo vero in calamitosorum genus propensior Dei ipsius videtur voluntas: beatos enim Iesus Christus nuncupat pauperes:<sup>4)</sup> invitat peramanter ad se, solatii causa, quicumque in labore sint ac luctu:<sup>5)</sup> infimos et iniuria vexatos complectitur caritate praecipua. Quarum cognitione rerum facile in fortunatis deprimitur tumens animus, in aerumnosis demissus extollitur: alteri ad facilitatem, alteri ad modestiam flectuntur. Sic cupitum superbiae intervallum efficitur brevius, nec difficulter impetrabitur, ut ordinis utriusque, iunctis amice dextris, copulentur voluntates.

Quos tamen, si christianis praeceptis paruerint, parum est amicitia, amor etiam fraternus inter se coniugabit. Sentient enim et intelligent, omnes plane

homines a communi parente Deo procreatos: omnes ad eundem finem bonorum tendere, qui Deus est ipse, qui afficere beatitudine perfecta atque absoluta et homines et Angelos unus potest: singulos item pariter esse Iesu Christi beneficio redemptos et in dignitatem filiorum Dei vindicatos, ut plane necessitudine fraterna cum inter se tum etiam cura Christo Domino, *primogenito in multis fratribus*, contineantur. Item naturae bona, munera gratiae divinae pertinere communiter et promiscue ad genus hominum universum, nec quemquam, nisi indignum, bonorum caelestium fieri exheredem. *Si autem filii, et heredes: heredes quidem Dei, coheredes autem Christi.*<sup>1)</sup>

Talis est forma officiorum ac iurium, quam christiana philosophia profitetur. Nonne quieturum per brevi tempore certamen omne videatur, ubi illa in civili convictu valeret?

Denique nec satis habet Ecclesia viam inveniendae curationis ostendere, sed admovet sua manu medicinam. Nam tota in eo est ut ad disciplinam doctrinamque suam excolat homines atque instituat: cuius doctrinae saluberrimos rivos, Episcoporum et Cleri operâ, quam latissime potest, curat deducendos. Deinde pervadere in animos nititur flectereque voluntates, ut divinorum disciplina praeceptorum regi se gubernarique patiantur. Atque in hac parte, quae princeps est ac permagni momenti, quia summa utilitatum causaque tota in ipsa consistit, Ecclesia quidem una potest maxime. Quibus enim instrumentis ad permovendos animos utitur, ea sibi hanc ipsam ob causam tradita a Iesu Christo sunt, virtutemque habent divinitus insitam. Istiusmodi instrumenta sola sunt, quae cordis attingere penetrales sinus apte queant, hominemque adducere ut obedientem se praebeat officio, motus animi appetentis regat, Deum et proximos caritate diligat singulari ac summa, omniaque animose perrumpat, quae virtutis impediunt cursum. — Satis est in hoc genere exempla veterum paulisper cogitatione repetere. Res et facta commemoramus, quae dubitationem nullam habent: scilicet civilem hominum communitatem

<sup>1)</sup> S. Greg. Magn. in Evang. Hom. IX, n. 7. — <sup>2)</sup> Corinth. VIII, 9. — <sup>3)</sup> Marc. VI, 3. — <sup>4)</sup> Matth. V, 3: *Beati pauperes spiritu.* — <sup>5)</sup> Matth. XI, 28: *Venite ad me omnes, qui laboratis et onerati estis, et ego reficam vos.*

<sup>1)</sup> Rom. VIII, 17.

funditus esse institutis christianis renovatam: huiusce virtute renovationis ad meliora promotum genus humanum, immo revocatum ab interitu ad vitam, auctumque perfectione tanta, ut nec extiterit ulla antea, nec sit in omnes consequentes aetates futura maior. Denique Iesum Christum horum esse beneficiorum principium eundem et finem: ut ab eo profecta, sic ad eum omnia referenda. Nimirum accepta Evangelii luce, cum incarnationis Verbi hominumque redemptionis grande mysterium orbis terrarum didicisset, vita Iesu Christi Dei et hominis pervasit civitates, eiusque fide et praeceptis et legibus totas imbuat. Quare si societati generis humani medendum est, revocatio vitae institutorumque christianorum sola medebitur. De societatibus enim dilabentibus illud rectissime praecipitur, revocari ad origines suas, cum restitui volunt, oportere. Haec enim omnium consociationum perfectio est, de eo laborare idque assequi, cuius gratia institutae sunt: ita ut motus actusque sociales eadem causa pariat, quae peperit societatem. Quamobrem declinare ab instituto, corruptio est: ad institutum redire, sanatio. Verissimeque id quemadmodum de toto reipublicae corpore, eodem modo de illo ordine civium dicimus, qui vitam sustentant opere, quae est longe maxima multitudo.

Nec tamen putandum, in colendis animis totas esse Ecclesiae curas ita defixas, ut ea negligat, quae ad vitam pertinent mortalem ac terrenam. — De proletariis nominatim vult et contendit, ut emergant e miserrimo statu fortunamque meliorem adipiscantur. Atque in id confert hoc ipso operam non mediocrem, quod vocat et instituit homines ad virtutem. Mores enim christiani, ubi servantur integri, partem aliquam prosperitatis sua sponte pariunt rebus externis, quia conciliant principium ac fontem omnium bonorum Deum: coercent geminas vitae pestes, quae nimium saepe hominem efficiunt in ipsa opum abundantia miserum, rerum appetentiam nimiam et voluptatum sitim:<sup>1)</sup> contenti denique cultu victuque frugi, vectigal parsimonia suppleant, procul a vitiis, quae non modo exiguas pecunias, sed maximas etiam copias exhau-

<sup>1)</sup> *Radix omnium malorum est cupiditas.* I. Tim. VI, 10.

riunt, et lauta patrimonia dissipant. Sed praeterea, ut bene habeant proletarii, recta providet, instituendis fovendisque rebus, quas ad sublevandam eorum inopiam intelligat conducibiles. Quin in hoc etiam genere beneficiorum ita semper excelluit, ut ab ipsis inimicis praedicatione efferatur. Ea vis erat apud vetustissimos christianos caritatis mutuae, ut persaepe sua se re privarent, opitulandi causa, divitiores: quamobrem *neque . . . quisquam egenus erat inter illos.*<sup>1)</sup> Diaconis, in id nominatim ordine instituto, datum ab Apostolis negotium, ut quotidianae beneficentiae exercerent munia: ac Paulus Apostolus, etsi sollicitudine districtus omnium Ecclesiarum, nihilominus dare se in laboriosa itinera non dubitavit, quo ad tenuiores christianos stipem praesens afferret. Cuius generis pecunias, a christianis in unoquoque conventu ultro collatas *deposita pietatis* nuncupat Tertulianus, quod scilicet insumerentur *egenis alendis humanisque, et pueris ac puellis re ac parentibus destitutis, inque domesticis senibus item naufragis.*<sup>2)</sup> — Hinc sensim illud extitit patrimonium, quod religiosâ cura tamquam rem familiarem indigentium Ecclesia custodivit. Immo vero subsidia miserae plebi, remissâ rogandi verecundiâ, comparavit. Nam et locupletium et indigentium communis parens, excitatâ ubique ad excellentem magnitudinem caritate, collegia condidit sodalium religiosorum, aliaque utiliter permulta instituit, quibus opem ferentibus, genus miseriarum prope nullum esset, quod solatio careret. Hodie quidem multi, quod eodem modo fecere olim ethnici, ad arguendam transgrediuntur Ecclesiam huius etiam tam egregiae caritatis: cuius in locum subrogare visum est constitutam legibus publicis beneficentiam. Sed quae christianam caritatem suppleant, totam se ad alienas porrigentem utilitates, artes humanae nullae reperiuntur. Ecclesiae solius est illa virtus, quia nisi a sacratissimo Iesu Christi corde ducitur, nulla est uspiam: vagatur autem a Christo longius, quicumque ab Ecclesia discesserit.

At vero non potest esse dubium quin, ad id quod est propositum, ea quoque, quae in hominum

<sup>1)</sup> Act. IV, 34. — <sup>2)</sup> Apol. II. XXXIX.

potestate sunt, adiumenta requirantur. Omnino omnes, ad quos caussa pertinet, eodem intendant idemque laborent pro rata parte necesse est. Quod habet quamdam cum moderatrice mundi providentia similitudinem: fere enim videmus rerum exitus a quibus caussis pendent, ex earum omnium conspiratione procedere.

Iamvero quota pars remedii a republica expectanda sit, praestat exquirere. Rempublicam hoc loco intelligimus non quali populus utitur unus vel alter, sed qualem et vult recta ratio naturae congruens, et probant divinae documenta sapientiae, quae Nos ipsi nominatim in litteris Encyclicis de civitatum constitutione christiana explicavimus. Itaque per quos civitas regitur, primum conferre operam generatim atque universe debent totâ ratione legum atque institutorum, scilicet efficiendo, ut ex ipsa conformatione atque administratione reipublicae ultro prosperitas tam communitatis quam privatorum efflorescat. Id est enim civilis prudentiae munus, propriumque eorum, qui praesunt, officium. Nunc vero illa maxime efficiunt prosperas civitates, morum probitas, recte atque ordine constitutae familiae, custodia religionis ac iustitiae, onerum publicorum cum moderata irrogatio, tum aequa partitio, incrementa artium et mercaturae, florens agrorum cultura, et si qua sunt alia generis eiusdem, quae quo maiore studio provehuntur, eo melius sunt victuri cives et beatius. Harum igitur virtute rerum in potestate rectorum civitatis est, ut ceteris prodesse ordinibus, sic et proletariorum conditionem iuvare plurimum: idque iure suo optimo, neque ulla cum importunitatis suspicione; debet enim respublica ex lege muneris sui in commune consulere. Quo autem commodorum copia provenerit ex hac generali providentia maior, eo minus oportebit alias ad opificum salutem experiri vias.

Sed illud praeterea considerandum, quod rem altius attingit, unam civitatis esse rationem, communem summorum atque infimorum. Sunt nimirum proletarii pari iure cum locupletibus naturâ cives, hoc est partes verae vitamque viventes, unde constat, interiectis familiis, corpus reipublicae: ut ne illud adiungatur, in omni urbe eos esse numero

longe maximo. Cum igitur illud sit perabsurdum, parti civium consulere, partem negligere, consequitur, in salute commodisque ordinis proletariorum tuendis curas debitas collocari publice oportere: ni fiat, violatum iri iustitiam, suum cuique tribuere praecipientem. Qua de re sapienter S. Thomas: *sicut pars et totum quodammodo sunt idem, ita id, quod est totius, quodammodo est partis.*<sup>1)</sup> Proinde in officiis non paucis neque levibus populo bene consulentium principum, illud in primis eminent, ut unumquemque civium ordinem aequabiliter tueantur, ea nimirum, quae *distributiva* appellatur, iustitiâ inviolate servandâ.

Quamvis autem cives universos, nemine excepto, conferre aliquid in summam bonorum communium necesse sit, quorum aliqua pars virilis sponte recidit in singulos, tamen idem et ex aequo conferre nequaquam possunt. Qualescumque sint in imperii generibus vicissitudines, perpetua futura sunt ea in civium statu discrimina, sine quibus nec esse, nec cogitari societas ulla posset. Omnino necesse est quosdam reperiri, qui se reipublicae dedant, qui leges condant, qui ius dicant, denique quorum consilio atque auctoritate negotia urbana, res bellicae administrantur. Quorum virorum priores esse partes, eosque habendos in omni populo primarios, nemo non videt, propterea quod communi bono dant operam proxime atque excellenti ratione. Contra vero qui in arte aliqua exercentur, non eâ, qua illi, ratione nec iisdem muneribus prosunt civitati: sed tamen plurimum et ipsi, quamquam minus directe, utilitati publicae inserviunt. Sane sociale bonum cum debeat esse eiusmodi, ut homines eius fiant adeptione meliores, est profecto in virtute praecipue collocandum. Nihilominus ad bene constitutam civitatem suppeditatio quoque pertinet bonorum corporis atque externorum, *quorum usus est necessarius ad actum virtutis.*<sup>2)</sup> Iamvero his pariendis bonis est proletariorum maxime efficax ac necessarius labor, sive in agris artem atque manum, sive in officinis exercentur. Immo eorum in hoc genere vis est

<sup>1)</sup> II-II Quaest. LXVI, a. 1 ad 2. — <sup>2)</sup> S. Thom., De reg. Princip. I. c. XV.

atque efficientia tanta, ut illud verissimum sit, non aliunde quam ex opificum labore gigni divitias civitatum. Iubet igitur aequitas, curam de proletario publice geri, ut ex eo, quod in communem affert utilitatem, percipiat ipse aliquid, ut tectus, ut vestitus, ut salvus vitam tolerare minus aegre possit. Unde consequitur, favendum rebus omnibus esse, quae conditioni opificum quoque modo videantur profuturae. Quae cura tantum abest, ut noceat cuiquam, ut potius profutura sit universis, quia non esse omnibus modis eos miseros, a quibus tam necessaria bona proficiscuntur, prorsus interest reipublicae.

Non civem, ut diximus, non familiam absorberi a republica rectum est: suam utrique facultatem agendi cum libertate permittere aequum est, quantum incolumi bono cumuni et sine cuiusquam iniuria potest. Nihilominus eis, qui imperant, videndum, ut communitatem eiusque partes tueantur. Communitatem quidem, quippe quam summae potestati conservandam natura commisit usque eo, ut publicae custodia salutis non modo suprema lex sed tota causa sit ratioque principatus: partes vero, quia procurationem reipublicae non ad utilitatem eorum, quibus commissa est, sed ad eorum, qui commissi sunt, naturam pertinere, philosophia pariter et fides christiana consentiunt. Cumque imperandi facultas proficiscatur a Deo, eiusque sit communicatio quaedam summi principatus, gerenda ad exemplar est potestatis divinae, non minus rebus singulis quam universis cura paterna consulentis. Si quid igitur detrimenti allatum sit aut impendeat rebus communibus, aut singulorum ordinum rationibus, quod sanari aut prohiberi alia ratione non possit, obviam iri auctoritate publica necesse est. — Atqui interest salutis cum publicae, tum privatae pacatas esse res et compositas: item dirigi ad Dei iussa naturaeque principia omnem convictus domestici disciplinam; observari et coli religionem: florere privatim ac publice mores integros: sanctam retineri iustitiam, nec alteros ab alteris impune violari: validos adolescere cives, iuvandae tutandaeque, si res postulet, civitati idoneos. Quamobrem si quando fiat, ut quippiam

turbarum impendeat ob secessionem opificum aut intermissas ex composito operas: ut naturalia familiae nexa apud proletarios relaxentur: ut religio in opificibus violetur non satis impertiendo commodi ad officia pietatis: si periculum in officinis integritati ingruat a sexu promiscuo, aliisque perniciosis invitamentis peccandi: aut opificum ordinem herilis ordo iniquis premat oneribus, vel alienis a persona ac dignitate humana conditionibus affligat: si valetudini noceatur opere immodico, nec ad sexum aetatemve accommodato, his in causis plane adhibenda, certos intra fines, vis et auctoritas legum. Quos fines eadem, quae legum poscit opem, causa determinat: videlicet non plura suscipienda legibus, nec ultra progrediendum, quam incommodorum sanatio, vel periculi depulsio requirat.

Iura quidem, in quocumque sint, sancte servanda sunt: atque ut suum singuli teneant, debet potestas publica providere, propulsandis atque ulciscendis iniuriis. Nisi quod in ipsis protegendis privatorum iuribus, praecipue est infirmorum atque inopum habenda ratio. Siquidem natio divitum, suis septa praesidiis, minus eget tutelâ publicâ; miserum vulgus, nullis opibus suis tutum, in patrocinio reipublicae maxime nititur. Quocirca mercenarios, cum in multitudine egena numerentur, debet curâ providentiâque singulari complecti reipublica.

Sed quaedam maioris momenti praestat nominatim perstringere. — Caput autem est, imperio ac munimento legum tutari privatas possessiones oportere. Potissimumque, in tanto iam cupiditatum ardore, continenda in officio plebs: nam si ad meliora contendere concessum est non repugnante iustitia, at alteri, quod suum est, detrudere, ac per speciem absurdae cuiusdam aequalitatis in fortunas alienas involare, iustitia vetat, nec ipsa communis utilitatis ratio sinit. Utique pars opificum longe maxima res meliores honesto labore comparare sine cuiusquam iniuria malunt: verumtamen non pauci numerantur pravis imbuti opinionibus rerumque novarum cupidi, qui id agunt omni ratione ut turbas moveant, ac ceteros ad vim impellant. Intersit igitur reipublicae auctoritas,

iniectoque concitatoribus freno, ab opificum moribus corruptrices artes, a legitimis dominis periculum rapinarum coerceat.

Longinquior vel operosior labor, atque opinatio curtae mercedis caussam non raro dant artificibus, quamobrem opere se solvant ex composito, otioque dedant voluntario. Cui quidem incommodo usitato et gravi medendum publice, quia genus istud cessationis non heros dumtaxat, atque opifices ipsos afficit damno, sed mercaturis obest rei publicae utilitatibus: cumque haud procul esse a vi turbisque soleat, saepenumero tranquillitatem publicam in discrimen adducit. Qua in re illud magis efficax ac salubre, antevertere auctoritate legum, malumque ne erumpere possit prohibere, amotis mature caussis, unde dominorum atque operariorum conflictus videatur exiturus.

Similique modo plura sunt in opifice, praesidio munienda reipublicae: ac primum animi bona. Siquidem vita mortalis quantumvis bona et optabilis, non ipsa tamen illud est ultimum, ad quod nati sumus: sed via tantummodo atque instrumentum ad animi vitam perspicientia veri et amore boni complendam. Animus est, qui expressam gerit imaginem similitudinemque divinam, et in quo principatus ille residet, per quem dominari iussus est homo in inferiores naturas, atque efficere utilitati suae terras omnes et maria parentia. *Replete terram et subiicite eam: et dominamini piscibus maris et volatilibus caeli et universis animantibus, quae moventur super terram.*<sup>1)</sup> Sunt omnes homines hac

in re pares, nec quippiam est quod inter divites atque inopes, inter dominos et famulos, inter principes privatosque differat: *nam idem dominus omnium.*<sup>1)</sup> Nemini licet hominis dignitatem, de qua Deus ipse disponit *cum magna reverentia*, impune violare, neque ad eam perfectionem impedire cursum, quae sit vitae in caelis sempiternae consentanea. Quin etiam in hoc genere tractari se non convenienter naturae suae, animique servitutem servire velle, ne sua quidem sponte homo potest: neque enim de iuribus agitur, de quibus sit integrum homini, verum de officiis adversus Deum, quae necesse est sancte servari. — Hinc consequitur requies operum et laborum per festos dies necessaria. Id tamen nemo intelligat de maiore quadam inertis otii usura, multoque minus de cessatione, qualem multi expetunt, faultrice vitiorum et ad effusiones pecuniarum adiutrice, sed omnino de requiete operum per religionem consecrata. Coniuncta cum religione quies sevocat hominem a laboribus negotiisque vitae quotidianae ut ad cogitanda revocet bona caelestia, tribuendumque cultum numini aeterno iustum ac debitum. Haec maxime natura atque haec caussa quietis est in dies festos capiendae: quod Deus et in Testamento veteri praecipua lege sanxit: *memento ut diem sabbati sanctifices;*<sup>2)</sup> et facto ipse suo docuit, arcana requiete, statim posteaquam fabricatus hominem erat, sumptâ: *requievit die septimo ab universo opere quod patrarat.*<sup>3)</sup>

<sup>1)</sup> Gen. I, 28. — <sup>2)</sup> Rom. X, 12. — <sup>3)</sup> Exod. XX, 8. — <sup>4)</sup> Gen. II, 2.

## 41.

**Ist die Besorgung der auf einem Beneficium ruhenden Sonn- und Feiertagsmessen um das diöcesanübliche Stipendium nicht erzielbar, so können die Einkünfte des Beneficiums zur Erfüllung der Verbindlichkeit in dem nöthigen Betrage verwendet werden.**

Erkenntniß vom 19. Jänner 1891, 3. 32.

Alexander Pretis, Pfarrer in Ronzegno (Adv. Dr. Köchler), ca. Min. für Cultus und Unterricht (M.-G. Dr. Bar. Schwind); G. v. 24. December 1889, 3. 13201, puncto Intercalar-Rechnung für das Echer-Sueller'sche Beneficium.

„Die angefochtene Entscheidung wird nach § 7 des Ges. vom 22. October 1875, R.-G.-Bl. Nr. 36 ex 1876, aufgehoben.“

Entscheidungsgründe. Mit der angefochtenen Entscheidung wurde ausgesprochen, daß Be-

schwerdeführer in die von ihm gelegte Intercalar-Rechnung für das Echer-Hueller'sche Beneficium pro 1887—1888 als Ausgabspost für Sonn- und Feiertagsmessen nur das diöcesanübliche Stipendium einzustellen berechtigt sei und daß die höheren Aufrechnungen des Beschwerdeführers für die Persolvierung dieser Messen nicht passirt werden.

Die Gesetzmäßigkeit dieser Entscheidung wird in der Beschwerde deshalb angefochten, weil 1. Beschwerdeführer überhaupt nicht verpflichtet sei, für das genannte Beneficium eine Intercalar-Rechnung zu legen und 2. deshalb, weil die Besorgung der auf diesem Beneficium ruhenden Sonn- und Feiertagsmessen um das diöcesanübliche Stipendium nicht erzielbar sei, daher die Einkünfte des Beneficiums zur Erfüllung der Verbindlichkeiten in dem nöthigen, vom Beschwerdeführer aufgerechneten Betrage verwendet werden können.

Was den ad 1 erwähnten Beschwerdepunkt anbelangt, so fand der B.-G.-Hof in eine Prüfung desselben nicht einzugehen, weil — wie in der Gegenschrift des k. k. Min. für Cultus und Unterricht mit Grund eingewendet wird — der Beschwerdeführer im administrativen Instanzenzuge die Frage, ob von dem genannten Beneficium eine Intercalar-Rechnung zu legen sei oder nicht, gar nicht zur Geltung brachte, diese Frage also im administrativen Instanzenzuge nicht ausgetragen ist, weshalb in dieser Richtung die Beschwerde nach § 5 des Ges. vom 22. October 1875, R.-G.-B. Nr. 36 ex 1876, sich als unzulässig darstellt.

Dagegen erachtete der B.-G.-Hof den ad 2 erwähnten Beschwerdepunkt als gesetzlich begründet. Die angefochtene Entscheidung selbst anerkennt, daß aus der rein persönlichen Verpflichtung des Verwesers eines Beneficiums, die auf dem letzteren haftenden Messintentionen zu persolviren, nicht gefolgert werden kann, daß dann, wenn diese Verpflichtung durch den Verweser — wie im vorliegenden Falle — persönlich nicht erfüllt werden kann, die dadurch verursachten nothwendigen Auslagen vom Provisor aus Eigenem getragen werden müssen, daß vielmehr derlei Mehrauslagen den Fruchtnießer des belasteten Einkommens, also den Religionsfond zu treffen haben. Die Entscheidung meint gleichwohl, daß die Nothwendigkeit eines Aufwandes für die Erfüllung der auf dem Bene-

ficium haftenden Messintentionen nur bis zur Höhe des diöcesanüblichen Stipendiums zugegeben werden könne.

Soweit nun mit diesem Ausspruche etwa festgestellt werden sollte, daß die Besorgung der auf dem Beneficium haftenden Messintentionen um das diöcesanübliche Stipendium erfüllbar war, würde eine solche Feststellung der Actenlage nicht entsprechen, weil der Beschwerdeführer über Ermächtigung und unter Zustimmung des Ordinariates sich genöthigt sah, wegen Erfüllung der Stiftungsverbindlichkeiten mit Alois Hellweger einen Vertrag zu schließen, nach welchem dem Letzteren für die Persolvierung der Stiftungsmessen und zwar für jede Präsenz 2 fl. nebst Wohnung und Verpflegung von der Vigilie bis zur Nachvigilie jedes Sonn- und Festtages zu leisten ist und weil nichts vorliegt, woraus geschlossen werden könnte, daß etwa eine die Beneficiumsrenten minder belastende Vereinbarung erzielbar gewesen wäre.

Soweit aber durch jenen Ausspruch der angefochtenen Entscheidung überhaupt ein zulässiges Maximum für die Aufrechnung in der Intercalar-Rechnung festgesetzt werden sollte, erscheint eine solche Verfügung gesetzlich nicht begründet. Es ist zweifellos, daß das obgenannte Beneficium eine Stiftung ist, mit welcher nach Absatz III der Stiftungsurkunde die Verpflichtung, an Sonn- und Festtagen die Messe für das Seelenheil des Stifters zu lesen, verbunden ist. Aus der Natur der Stiftung folgt schon, daß die Stiftungszwecke genau und jedenfalls nach Möglichkeit erfüllt werden müssen, weshalb auch die Einkünfte des Beneficiums in erster Reihe für die Erfüllung der Stiftungsverbindlichkeiten verwendet werden müssen. Soweit also die Einkünfte des Beneficiums zu dem Zwecke benöthigt werden, um die Stiftungszwecke ins Werk zu setzen, kann eine Zurückbehaltung derselben aus welchem Titel immer nicht erfolgen.

Daß dieser aus der Natur der Stiftung sich ergebende und im Hofdecrete vom 7. Juli 1841, Nr. 541 Just.-Ges.-Samml., ausdrücklich anerkannte Grundsatz auch für die Vacanz eines Beneficiums Geltung hat, ergibt sich zweifellos aus den Hofdecreten vom 8. Februar 1771 (Tafsch pag. 88) und vom 13. Jänner 1801 (Pol.-G.-S. Band 16, pag. 35), nach welchen als fructus intercalares, auf welche

der Religionsfond tempore vacantiae Anspruch erheben kann, bei Beneficien und Stiftungen nur jene fructus gelten, welche auf die Erfüllung der Stiftungsobliegenheiten nicht aufgehen.

Daß diese gesetzlichen Bestimmungen auch dormalen noch Geltung haben, kann umsoweniger zweifelhaft sein, als durch den § 59 des Gesetzes vom 7. Mai 1874, N.-G.-B. Nr. 50, der Rechtszustand bis zu diesem Gesetze aufrecht erhalten werden sollte und nach Art. 33 des Concordates das Erträgniß

der erledigten Pfründen dem Religionsfonde nur soweit zufallen sollte, als es bisher üblich war.

Demzufolge hätte eine Beanständung der in Frage stehenden Ausgabsposten der Intercalar-Rechnung nur dann und nur insoweit erfolgen können, als der Beweis erbracht wäre, daß jene Ausgabsposten nicht nothwendige Auslagen für die Erfüllung der Stiftungsverbindlichkeit gewesen sind, ein Beweis, der keineswegs erbracht erscheint.

## 42.

**Concurs - Verlautbarung.**

An der hiesigen theologischen Lehranstalt ist die Lehrkanzeln des Bibelstudiums des alten Bundes und der orientalischen Dialecte in Erledigung gekommen. Die Neubefetzung derselben wird auf Grund einer vorläufigen schriftlichen und mündlichen Prüfung erfolgen.

Zu diesem Ende wird die schriftliche Concurs-Prüfung am 15. und 16. September 1891 und die mündliche am darauffolgenden Tage abgehalten werden.

Jene Diöcesanpriester, welche auf die Erlangung dieser Lehrkanzeln reflectiren, wollen ihre bezüglichen dokumentirten Bittgesuche wenigstens acht Tage vor dem festgesetzten Concursprüfungs-Termin beim hochwürdigsten fürstbischöflichen Ordinariate überreichen.

Die Religionsfonds-Pfarre Golo, im Decanate Ljubljana, ist in Erledigung gekommen.

Die Bittgesuche um dieselbe sind an die hohe k. k. Landesregierung für Krain in Laibach zu stylisiren.

Die Pfarre Boštanj, im Decanate Leskovec, und die Pfarre St. Rupert, im Decanate Trebnje, sind ebenfalls in Erledigung gekommen.

Die Gesuche um die Pfarre Boštanj sind an die löbliche Inhabung des Patronats-Gutes Savenstein, jene um die Pfarre St. Rupert aber an das hochw. Collegiat-Capitel in Novo Mesto zu richten.

Peremptorischer Competenztermin 10. October 1891.

## 43.

**Chronik der Diöcese.**

Seine kais. u. königl. Apostolische Majestät haben dem fürstl. b. geistlichen Rathe und Pfarrer in Brezovec, Herrn Johann Potočnik, das goldene Verdienstkreuz mit der Krone allergnädigst zu verleihen geruht.

Der Professor des Bibelstudiums des alten Bundes und der orientalischen Dialecte an der theol. Diöcesan-Lehranstalt in Laibach, Ehrendomherr Dr. Johann Semen, wurde über sein Ansuchen in den Ruhestand versetzt.

Dem Pfarrer in Janče, Herrn August Turk, wurde die Pfarre Koroška Bela; dem Pfarrer in Boštanj, Herrn Johann Plevaneč, die Pfarre Soteska, und dem Pfarrecooperator in Boh. Bistrica, Herrn Johann Slakar, die Pfarre St. Gotard verliehen.

Herr Johann Dobnikar, Pfarrecooperator in Dobropolje, wurde als Pfarreprovisor in Janče angestellt.

Versetzt wurden die Herren: Herr Julius Čuk, Pfarrecooperator in Ig, als Spiritual-Administrator und I. Cooperator nach Dobropolje; Conrad Textor, Pfarrecooperator und Beneficiat zu St. Martin bei Litija, als Pfarrecooperator nach Ig; Josef Novak, Pfarrecooperator in Krka, als solcher nach Dob; Johann Možina, Pfarrecooperator in Slavina, als Expositus nach Harije; Johann Lesar, Pfarrecooperator in Trnovo, als solcher nach Slavina; Simon

Šmitek, Pfarrecooperator in Lašče, als solcher nach Vrhnika; Johann Mairing, Pfarrecooperator in Mokronog, als solcher nach Vodice; Franz Avsec, Pfarrecooperator in Metlika, als solcher nach Škocijan pri Dobravi; Caspar Majar, Pfarrecooperator in Dole, als solcher nach Preddvor; Ferdinand Čekal, Pfarrecooperator in Jesenice, als solcher nach Boh. Bistrica.

Neu angestellt wurden die Herren: Franz Pavlič als Pfarrecooperator und Režen-Lichtenthal'scher Beneficiat zu St. Martin bei Litija; Heinrich Povše als Pfarrecooperator in Krka; Alois Rudolf als Pfarrecooperator in Trnovo; Franz Pešec als Pfarrecooperator in Lašče; Johann Lovšin als Pfarrecooperator in Mokronog; Johann Zabukovec als Pfarrecooperator in Metlika; Franz Indof als Pfarrecooperator in Dole; Jakob Matijan als Pfarrecooperator in Jesenice; Victor Steska als Pfarrecooperator in Gottschee; Anton Hribar als Pfarrecooperator in Podzemelj; Johann Kalan als Pfarrecooperator in Dol und Johann Globelnik als Pfarrecooperator zur heiligen Dreifaltigkeit.

Gestorben ist am 26. August d. J. der f. b. Consistorial-Rath und Pfarrer in St. Rupert, Herr Alois Košir, welcher dem Gebete des hochw. Diöcesan-Clerus empfohlen wird.

Vom fürstbischöflichen Ordinariate, Laibach am 27. August 1891.